



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K.Gradaševića 54, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

*Prijedlog*

Na osnovu člana 24. Statuta općine Gradačac („Službeni glasnik općine Gradačac” br.4/08, 5/12, 1/17 i 5/18) Općinsko vijeće općine Gradačac, na sjednici od \_\_\_\_ januar 2019. godine, donosi :

**ODLUKU**  
**o izmjenama i dopunama Odluke o javnim parkiralištima**

**Član 1.**

Član 32.mijenja se i glasi :  
Korisnik javnog parkirališta čini povredu odredaba uslova korištenja javnog parkirališta propisanih ovom Odlukom ako :

- 1) Prekorači dopušteno vrijeme parkiranja,
- 2) Ne istakne, nepravilno istakne ili istakne neodgovarajuću parking kartu s unutrašnje strane prednjeg vjetrobranskog stakla
- 3) Ne pridržava se horizontalne i vertikalne saobraćajne signalizacije na javnom parkiralištu.

**Član 2.**

U Članu 33.stav1. nakon teksta “ U slučajevima povrede odredbi” umjesto riječi “ove odluke” treba da stoji “iz prethodnog člana”, ostali dio teksta ostaje nepromjenjen.

**Član 3.**

Dodaje se Član 33a. i glasi:

Novčanom kaznom u iznosu od 500 KM do 1.500 KM kaznit će se pravno lice, u iznosu od 50 KM do 150 KM odgovorno lice u pravnom licu, u iznosu od 100 KM DO 300 KM osoba koja obavlja samostalnu poslovnu djelatnost-obrt, te u iznosu od 30 KM do 100 KM fizičko lice :

- a) ako ne plati naknadu za blokiranje i deblokiranje vozila, utvrđenu odredbama člana 33.stav 5. Odluke i
- b) ako ne plati naknadu za premiještanje i čuvanje vozila, utvrđenu odredbama člana 33.stav 5. Odluke.

Novčanom kaznom u iznosu od 30 KM do 100 KM, kaznit će se vozač motornog vozila, za neplaćanje novčane naknade iz člana 33.stav 5. ove Odluke, ukoliko je motorno vozilo registrovano na organu izvršne vlasi, organu uprave ili upravnoj organizaciji u FBiH.

Novčanom kaznom u iznosu od 50 KM do 100 KM kaznit će se lice koje ošteti

automat za naplatu parkiranja.

Lice koje ošteti automat za naplatu parkiranja obavezno je da nadoknadi troškove popravke automata.

Vlasnik, odnosno nosilac prava raspolaganja motornim vozilom, na zahtjev Općinske službe koja vrši inspekcijski nadzor nad provođenjem ove odluke, a za potrebe provođenja prekršajnog postupka, dužan je dati podatke o identitetu vozača, odnosno lica koji je upravljao motornim vozilom u vrijeme počinjenja prekršaja iz stave 1. ovog člana, a u suprotnom će kaznu platiti vlasnik vozila.

#### **Član 4.**

Ova Odluka stupa na snagu danom objavljivanja u "Službenom glasniku općine Gradačac".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC

- Općinsko vijeće -

Broj: \_\_\_\_\_  
Gradačac, \_\_\_\_\_ 2019 .god.

PREDSJEDAVAJUĆI  
OPĆINSKOG VIJEĆA

\_\_\_\_\_  
Šakić Enir, s.r.

### **Obrazloženje**

Općinska služba za opću upravu i inspekcijski nadzor obratila se sa inicijativom za izradu prijedloga Izmjena i dopuna Odluke o javnim parkiralištima, i dostavila nacrt izmjena i dopuna koje bi trebalo uvrstiti u izradu prijedloga izmjena i dopuna navedene Odluke.

Općinska služba za urbanizam, investicije i komunalne poslove (Odsjek za komunalne poslove) je uputila javni poziv građanstvu da uzme aktivno učešće po pitanju Nacrta navedene odluke, na način da svoje prijedloge, sugestije i primjedbe dostavi u pisanoj formi na adresu Općine Gradačac. Javni poziv je trajao od 12.12.2018.do 21.12.2018.godine.Nakon provedenog javnog poziva nisu dosle nikakve primjedbe i sugestije na Nacrt navedene Odluke, te se ista daje Općinskom Vijeću na usvajanje.